

LIYYUN TULSTUY

⬤⬤⬤⬤⬤⬤⬤⬤ ⬤⬤⬤⬤⬤⬤ ⬤⬤⬤⬤⬤⬤
Amzwaru iskrn anziz

Tamzgunt igzzuln

Tasuyt n Abdallah Amennou

Publications Tirra
Numéros de dépôt légal: 2017MO1423
ISBN: 978-9954-647-56-1
1^{ère} Edition: 2017
Imprimerie: Dar Assalam, Rabat
Impression - Edition - Distribution
Tél: 05 37 72 58 23/ Fax: 05 37 72 13 32
E-mail: Contact@darassalam.com

Cet ouvrage à été publié
avec le concours du



Ministère de la Culture

I **Caṛnu** lli nn illan y tmazirt
yaggugn, d **Tblindat** mẓẓiyn mu
tbuttac.

Tayarast n tyri

Askkil Alatan	Askkil n Tfinay	Askkil n Terabt	Amdya
A	o	ءَا	Awal
U	ø	ؤْ	Uzun
I	Σ	ئْ	Imi
E	ø	-	Nenna
B	Θ	بْ	Abaraz
C	Ϣ	شْ	Acicaw
D	Λ	دْ	Adan
ḍ	E	ضْ	aḍaḍ
F	H	فْ	Afus
J	I	جْ	Jju
H	⓪	هْ	Tahra
ḥ	Λ	حْ	aḥanu
G	⌘	اَكْ	Agadir
G ^w	⌘°	اَكْ مَفْخَمَة	Ag ^w mar
γ / Γ	⋈	غْ	ayanim
K	⌞	كْ	Akal
K ^w	⌞°	كْ مَفْخَمَة	Akk ^w
L	И	لْ	Alim
M	⌚	مْ	Aman

N	l	ن	Anu
Q	Ƶ	ق	Aqqa
R	O	ر	Arba
r	Q	ر مفخمة	aṛumi
S	⊙	س	Tisi
ş	Ø	ص	şku
T	+	ت	Tattn
t	E	ط	tamṭṭuṭt
W	⏏	و	Awal
X	✕	خ	Axam
Y	ƶ	ي	Ayyur
Z	✱	ز	Azal
z	✱	ز مفخمة	aẓur

Askcm

Tamzgunt n “Amzwaru iskrn anẓiz¹” tga yadlli yat tullist igzzuln s yism n «Amsmqqi izwarn» yura tt Tulstuy, tigira issayul tt tg tamzgunt, tawngimt lli f tftu tullist d tmzgunt ttyasy d sg yan umiy Arusi azayku, ar ttidunt tdyanin nns f manmk as d iggura umwud² n unẓiz.

Ittwayssan is tga tsdmu³ timndwin lli f ittšku uẓtṭa n kra igat umiy aqbur. tasdmu ann af ay isbdd Tulstuy g usanay lli d yiwi f urwass. Fīnn ag nn nttafa anmyur n ibalīn, nttan ad ibadn, ssutln as imawasn nns g imaratn nns d inḍafn nns, d imsnirn ny d imazzaln nns mi tga twwuri nnsn ad ttzzun amud n gar g wamun. Ayssa ad arwassan ur imzaray s yat f uyssa n tnbadt n tmurt, mad akk^w illan ar ittizzal ad ismmirw⁴ «Anmyur n ibalīn », d tynnant f

¹ Anẓiz : aman n waḍil ny d win irdn, ccṛab.

² Amwud, mud : SSnl̥eat (bn tunart).

³ Sg idma (imaginaire)

⁴ issṛḍu (ibn tunart)

manwa nna rad issxsr tugtt g middn d usggru n kra igat anawn n manmk as tggan middn ddaw ifassn nnsn ar tn kssan mklli gisn ira «Bab n urwass ». surn imazzaln n urwass ad g twwuri nnsn f tsrtit n inqqisn¹, illa f mad akk^w illan ad iddu ad izuzzf f usidn nns i unmyur n ibalisn, tigira n mayad iccukku t id warraz ny d tafgurt.

Ar ttnyilkimn imazzaln n ibalisn d yan wamun n middn. yid ag isrs Tulstuy amun n tyrmt² g yat tsdlt n usastl, isrs amun n tmazirt ny ifylal g yat yadnin. Mayann ad immalan mas d d amun n tmazirt d ifylal ad ittiri, nttan ad as yazn i wul nns, ar issutur i wiyyad ad sis ayuln, d ad sis gg^wzn f ad d gis lmdn iman n tayri d umsaruf d tg^wmat lli d isayuln amun ad ig yan yili g tumrt d tlwit n iman. Ar immala Tulstuy g tmzgunt nns mas d amun n ifylal ur issin amr tawwuri d tazzliwin, ar ittizzal umkraz f wakal nns id d uzal ig as t id iwin izmaz, d ur ar issntay tawwuri nns ig tt ur innurẓm s yism n

¹ Rapports

² La ville.

Wakuc, ism lli ur ittnngiriyn d imi nns, ar icckcum arggig f wul nns, illz¹ s tudrt nns. Amkraz ar ittiri akal nns, mklli ar ittiri ayyis nns lli d is idran tassast d tmmara, ar as isawal s tguriwin ittutn s trqqa d tmlla, mklli da ittiri wiyyad, sg tayri ad ar ittiktur iman nns s umsaruf². Illz s ubbiy n uyrum akud nna t ilkm laz, ig t inn ur yufi, issutr adwas d tamimt i walli nn sis igan afus, lli as t iccan, ar immala mayann tamy^wr n wul s ix f nns, ur irufz umkraz, ur ar irggm annaz nns, islk i mad d fllas igguran ign nit g ufra. aburz d unnmrar f tlelli n wiyyad gan g tmitar n umkraz. Hat inn llig as ittr unarag nns kra n wamud illil t inn ur akk^w fllas issugt awal. Gan akk^w yan ufus g uzmz n tumrt ny d gar azmz.

Ar akk^w ttsmad twlaft n wamun n ifylal s wammaz g izuran n d tmyurin d insayn³. D amkraz ar ittizzal ussan n twwuri d wussan n usunfu, ar isliliy, isunfu, iggawr d ayt dars ny iffay s iswak ar ittmsiwil d wiyyad f tyawsiwin,

¹ iqqneā (kabylie)

² Tolerance.

³ Traditions

ur akk^w gis amya ig ar ittirir ar ismurig, macc
ur ar ilkkm tifrāyin n wiyyad. Timyurin ad lli
utnin s iḡuran nttntin ad d issmyayn tumrt d
uzmumg g iman lli d issugga uglla¹ s taytti nns
lli igan mar i willi hlli itturarn. aglla g tmzgunt
ad nttan ad igan “Awal n taytti²” lli mmu utn
iḡuran nns ar tamussni n tyarast n tudrt n ifylal
g uzmz aqbur. Amkraz iga yan urgaz
immummin ur ar ittiri ad ig tafaska i tmimin n
iblis. Amun ad lli issflidn i “wawal n taytti” ar
issyafa tigudra³ mar⁴ gar, acku ur gis llin
isdram lli s yufa iblis ad gisn ikcm a afad ad
ibaḍ afgan, aylliḡ ur izmr iblis ad ig ag^wri
mqqar d i yan umkraz.

Mad iḡlin s tsga yaḍnin, llig isrs Tulṣtuy
amun n tmdint, tṡṡay s tugtt n gar, mayann ar
ay immal mas d amun n tmdint is iga yan igr
irrutn s iyarasn n mad akk^w ittawin tasa n yan
d tmimin d iydjajn, mayann ad tt issrxun f
ibalish f ad amṡn tayamut n imzday nns mkna

¹ sérieux

² l'equl.

³ Sg isgudr (iskr agadir) الحصانة

⁴ Contre.

ran gnt, sg wad izlɔdn ar wad ibyrn, wad illan g
 tnbadt ar wad illan g tfacga (église)... G wamun
 ad ur issnjm awd yan ix f nns gr ifassn n
 “tgrumma n imazzaln n jahnnama”. Ayuln d
 middn frkn frsn uggar n ibalisn i aylli mmu yin
 ad t k^wfsn n gar d ugufsu. İdi ay d wamun ad
 tugtt n tmdayin d tslya i imzday nns, tislya ad
 igan icckcum n ibalisn f ufgan, f mayann
 ibalisn lli llanin f wamun ad ar ttddrn yat tudrt
 ilgg^wayn, ur ar bahra skarn amya, ur akk^w
 smussun tiyraɖ d uggar n uck ad fln
 tiwwuriwin nnsn i wiyyaɖ mad tnt iskarn g
 idyarn nnsn. Mad izlin s ibalisn n imkrazn,
 abalis ur dars amr ad d isggru tiyarasin
 timaynutin s manmk as tn ittɖ.

Rad tkti taytti g unlli n ibalisn rad d tsgru
 anziz, lli rad ig aglzim lli s rad ittɖzza timyurin
 tinfganin lli ismunn ayt iym. Mnck ad ikka
 iblis ar nn ittyawal awttas ann f ad iskr tawwuri
 nns, izwar zwar s manmk s ar ttflasn ad ig
 winnsn ad as irin, yizwir s umkraz ig t g ufus
 nns. Llig as gis tumɖ yitti nn s ayt tgm̄mi nns.
 Acku anziz rad as d issayul tieurrma irnu as g
 udwas nns, ig taɖfi i tudrt n ufgan. Yat tkklit ad
 imɖi umkraz anziz ur sar d nttan a rad t ittu.

Ur gis turda mas nn iksuḍ iblis daddas n umkraz mas iga “Awal n unlli” mklli s nenna, lli s iẓḍar ad nn flay iqqn abrid n tmimin, mayann af asn inna iblis ad as akk^w tḥkim anẓiz ad t imḍi, acku ur ad t akk^w yadlli yamz.

Ismḍ Tulṣṭuy tamzgunt s twlaft n uskkurtu n unẓiz g ufgan, lli as ittkksn tafgna nns, ar t id tssayul zun d abayuy, lli ittayuln s ixḥ nns ig day uccn iqqjrn, tigira yurri d ig ilf. Mad akk^w ittawin titṭ mas d tawngimt n Tulṣṭuy tmcucka d aylli ay d ilkmn g umiyn iqburn lli g yucka yan umiy ar ittini : «Mas tt nn ikka ufgan iẓṣa aḍil g uzmm izwarn idda d iblis iyrs flas i tayja¹ isu waḍil idammn nns, llig itṭay ifrawn, iyrs day flas i yan ubayus sun day idammn nns, llig tskr aqqayn n waḍil, iyrs day flas i yan izm, isu waḍil idammn nns, llig d nwan waqqayn, iyrs flas i yan ilf, sun waqqayn idammn n ilf ». mk-ann af tṭkkant kkuẓt tmitar f walli iswan anẓiz, tẓwiri lli t iswa ar akk^w ittkka idammn nns ar ittizwiḥ izujjg zun d tayja, ad ukan gis yamz uduhdu ar ittirir ar ittnttag mklli iskar ubayus,

¹ Tayja : Paon, طلوس

ad ukan bahra gis yamz uduhdu ig d zun d izm
ar ikkat s ntta ar ishitir ar d nn ur ikkis amya,
irrummu zun d ilf ar ittlli s yidş ig gis tafasa.

IWRIKN

- AMKRAZ.
- IBLIS.
- ANFIR. (Iblis g tmlsa n ufgan).
- ANMFUR N IBALISN.
- IBLIS S TMLSIT YATTUYN.
- IBLIS N IMARISN N TNBADT.
- TAWTMT N UMKRAZ.
- AMARA.
- ANARAG. (Anarag n umkraz).
- TAWSSART.
- AMFAR I.
- AMFAR II.
- AMFAR III.
- AMFAR IV.
- AWSSAR (Daddas n umkraz).
- TIRBATIN.
- IRBAN.

Askkir izwarn

ASANAY I

AMKRAZ: (*Ar ikkrz, ar ismuqqul s ignna*)
Imṛzi n wass a ad, ilkm uzmm ma y ttkkisy
aggallu i wayyis a ad. (*Ar isawal s wag^wmar*)
iwa mmuss, tssrfufn k twwuri a winu, ur ay
sul yagur amr ad nawi adrf ad, sg yinn
nddu mani y nctta imkli. Manmk as tfulki
twngimt ad, lliy didi iwiyy agzzum n uyrum,
ur sul syawsay ad urriy s taddart, yid ay rad
ccy, tama n wanu, gny yan imik, s iy nit
tg^wra tbryadt ad imik n tuga, iy izri
mayann, s twisi n Ṛbbi, rad day ssntiy
tawwuri inu, iy ira Ṛbbi rad smdy tayrza zik
sul.

ASANAY II

IBLIS: (*Yugga d yan iblis mzziyn, ar ittazzal s
tgira n yat tg^wntaft lliy ar nn isrus umkraz
tiyawsiwin nns*).

Argaz iziln ad tgit! Ar ka taddrat Rbbi kra
igat tizi... qql hlli yan imik rad taddrat iblis
ula nttan... Rad as zwar asiḡ ubbic nns n
uyrum, akud nna nn iga afus ar t isiggil,
rad akk^w sis ikk tiymrin ur ad t yaf. Iy t
yumz laḡ murran lli gis illan, rad d gis ildi
azawar, akud ann rad ibdr iblis s imi nns.

*(Yukr iblis ubbic n uyrum, iddu iggawr g tgira n
tg^wntaft yaḡnin, ar ittqql s ma rad iskr umkraz.)*

AMKRAZ: *(Ar ifssi tislday i wayyis). Ad ay ifk
Wakuc timrkidut nns!.. (Ikks aggallu i
wag^wmar nns, iḡm as, iddu s tsga llig illa malsa
nns). Aqq sawln igḡaḡ g udis inu! Tamṡṡuṡṡ
tbbi iyi d yan ugzzum mqqurn n uyrum, ur
gis turda is rad t akk^w ccy, ur rad d gis fly
amya s laḡ ad lli gigi illan. (Ar nn ittaz timlsit
nns.)*

Mani ikka ubbic n uyrum inu!?... Ur ḡid
illi! Irwas is as uddy s tmlsit? *(Yall malsa s*

uflla) Ur yid illi acku yid... had kra yaḍnin... (*Ar issusus timlsit*).

IBLIS: (Ar d ittagg^wa dffir n tg^wntaft). yar siggil mklli ka trit!... ttinig sis... hat id. (*Iggawr f iggi n ubbiy n uyrum*).

AMKRAZ: (Yull ikccuḍn f isur uggallu, ar day issusus timlsit tiklit yaḍnin). Mad awa iga mayad!! Iggut uya! Ma mi ttuhamt a ad, s tidt amṭir¹ a ad, ur nn ikki kra n ufgan yid, mqqar d mkann ubbiy n uyrum ad inyuba! Mra t g^wran igḍaḍ, rad yad tfruri takka nns, ur gis turda, macc ur yid anza n kra takka... ma mi ttuhamt... Ur nn yadlli yid ikka kra, waxxa mk-ann ayrum ad yusi t kra ur gis turda.

IBLIS: (*Rad inkr ar ismuqqul g umkraz*). yilad rad iyi d ig g ils nns.

¹ lejb.

AMKRAZ: Irwas is yid ur ssugry amya...
macc ur ad mmtý s laz... ig t yusi kra, yar
iniyas ad t yasi... icc t it, s tađfi d tdusi nns.

IBLIS: (*Ar issufus*) Ttfu flak a wacc... tizi lli
fllas illa ad irggm ar ittzawar... ntta ar ittini:
s tađfi d tdusi! Ma rad sul tskrt i wad?

(*Iẓẓl umkraz g wakal, iskr tamatart n unca¹, ar
ittfa ifk tt i unnuddm*).

IBLIS: (*Rad d iffɣ sg tgira n tg^wntaft*).

Iwa manmk za yilad a axatar n ibalisn? Ha
yi uty akk^w s aylli dari, ar yi d bdda ikkrđ
umyar n ibalisn is as nn ur ttawiy s urwass
tugtt n imkrazn, ar iyi ittini: “ha iyi ar
ttmnidy mnck d imznzimsayn d ig^wrramn
ad d ilkmn ku ass, imkrazn nttnin idrus
mad d gisn ittackan”... Mad za igan afsay a
amyar n ibalisn? Is tufit ad iyi t tinit...

¹ Croix.

manmk as rad d ssanuny zun d amkraz ad?
Ur illi kra n imi nna d sis tkkay. Is sul illa
kra n uggar n aylli as skry? Hat ukry as
ubbiy n uyrum lli d akk^w dars yagurn,
mqqar d mk-ann ur ar irggm, ur izawr. Ur
sul ssny mad flli illan ad as t sul skry yilad?
Rad dduy ad skry tqrir anqqis¹ i umyar n
ibalisn. (*Rad t yilih*).

-Ibillu-

¹ تقرير Rapport.

Askkir II

(Arwass)

*Iggiwr umyar n ibalish g udyar n imzwarn,
iggawr umara n ibalish g izddar n usgld¹ nns
darat yat tdabut² gis imassn n tirra. Bddn
indafn g tsggiwin. G tsga tafasit smmus ibalish,
ku yan d tmackut³ nns, g tsga tazlmadt ibdd
wadf illan f waggur. Ibdd yan iblis ilsa timlsa
attuyunin dat n unmyur n ibalish.*

IBLIS S TMLSIT YATTUYN: Lkmm willi
mmu giy ag^wri mad ittggan 263753 n ufgan
g uzmm n krad isgg^wasn... llan akk^w kra
gan ddaw n ufus inu.

ANMFUR N IBALISH: Izil, tanmirt nnk...
ddu. (*Rad nn yitti iblis s tmlsit yattuyn yak^{wi} d
tsga tafasit*).

ANMFUR N IBALISH: (*Ar isawal s umara*)

¹ Trône.

² Table.

³ Tummnda.

Ṛmiy, uḥly... is sul yagur mad iggutn n twwuriwin? Mad izzrin anqqis d manwa yagurn urta t izzri?

AMARA: (*Ar issidin s idudan nns, ar immala ibalisn lli bddnin g ufasi, ku yan gisn ar ittbndaq ig issfld i yism nns.*)

Ilkm ay d unqqis sg iblis n inmyurn... iga ag^wri i 1836 n unmyur, ilkm ay d unqqis n iblis n imznzimsayn dy nttan iga ag^wri i 9643 n yan, ilkm ay d awd win ubalis n inzzurfa iga ag^wri i mad ittggan 3423 n inzzurfa, tigira nssfld i unqqqis n iblis n tutmin lli igan ag^wri i 263757 gisnt 186315 n tid iwnin d 17438 n trbat... ur sul iyama ayslad anqqis n sin ibalisn win imazzalnn twwuriwin n tnbaḍt d win ubalis n imkrazn.

ANMFUR N IBALISN: Ar ttannayy is yuf ad nsmd g inqqisn ad yilad. (*Ar isawal s wadaf*) Sskcm d walli d iccukkan!

(Rad d ikcm ubalis n imazzaln n twwuriwin n tnbadt, ibndq izul f unmyur n ibalish).

ANMFUR N IBALISN: Iwa manmk gan inymish nnk? Manmk s ttidut?

IBLIS N IMAZZALN N TWWURIWIN N TNBADT: *(Ar idssa mad akk^w illa uzmoz, ar ittAMS ifassh nns s tumrt)*

S umata inymish inu ur gan tummrt i ufna inu ula amddakk^wl inu, macc willi ilan ag^wri taklit ad ur jjun tt inn ikki zun d anaw nnsn, sg llig d tlal ddunit...

ANMFUR N IBALISN: Ukzy g wawal nnk, is ggutn willi mmu tgit ag^wri tikklit ad?

IBLIS N IMAZZALN N TWWURIWIN N TNBADT: Ur nn tyama g tugtt... Mqqar idrus utttun lli d iwiyy... lli igan 1350 n ufgan, macc gan irgash s wawal n tidt... yah irgash lli izdash ad asin azazu n ibalish... irgash zdashnin ad gin tamdayt i wiyyad ar d

asn ssutln izakarn, lli rad iskr tawwuri yufn
tin ibalish s ixfawn nnsn... mliy asn yat
tyarast bahra igan tamaynut.

ANMFUR N IBALISN: Manmk day tga
tyarast ad igan tamaynut?

IBLIS N IMAZZALN N TWWURIWIN N
TNBADT: Tayarast ad tamaynut... kkan tt
inn imazzaln g mad izrin ar tt skarn g
middn s inzzurfa, yilad sslmdy asn tawwuri
i ixfawn nnsn... yilad wanna asn ifkan
uggar ar as akkan tugtt n tizi nnsn awin tt
gis uggar... ar nn tggan tuggas iggutn f
wanna asn ifkan, ar ar ttajjan ma ur skarn
afad ad sugrn d ad fllasn lkmn middn, ar tn
sakan afus uggar n unck lli tn nsrfufun
nkk^wni ...

ANMFUR N IBALISN: Waxxa rad zry s ix
inu awal ad nnk... ddu-k... (*Yak^{wi} ubalis n
imazzaln n twwuriwin n tnbadt d tsga tafasit*).

ANMFUR N IBALISN: *(Amara ar yaqqra)*
Walli igguran ad d ikcm!

*(Rad d ikcm ubalis n imkrazn, issili d yan ubbiy
n uyrum g ufus, ibndq i unmyur n ibalisn)*

ABALIS N IMKRAZN: Ur sul ufiy ad ddry
tigira n wass ad... ar k ttry a mass ad iyi
tsmmattit s kra n wansa yaɗnin...

ANMFUR N IBALISN: Ad k smmattiy s kra
n uɗyar yaɗnin? Matta işiɗ ad, yak ur ar
tsnufult? Nkr yinna ar tsawalt s mklli s
isyawsa ad t ig wawal n willi lanin taytti...
ini d mad d tiwit... is tgit ag^wri i tugtt n
imkrazn g imalass ad?

ABALIS N IMKRAZN: *(Ar yalla)*... Ur ugiy
ag^wri i yan umkraz ka !

ANMFUR N IBALISN: Manmk? Tnnit ur
tiwit yan? Yan ka! Manmk ur d tiwit yan

umkraz ka? Mad yadlli za tskart? Hiya tkkit
tt inn ar ttulluyut?

ABALIS N IMKRAZN: (*Ar iskkinfic¹ ar
yalla.*) Uhuy ur ar tliiy, akk^w... is nn akk^w
giy aylli dari n tfasa mad akk^w illa wakud,
macc ur yiy ad lkmy amya... hayi ukry as
ubbiy n uyrum lli akk^w igguran dar yan
gisn, g tama n walln nns, mqqar d mk ann
ur ar irggm ur ar ittzawar... is ar akk^w
issutur adwas d tamimt i wanna as t yusin.

ANMFUR N IBALISN: Mad ttinit? mad
flay ttmgmugt? ssisfiw awal nnk, hat ur
nzdar ad nak^{wz} mad ttinit.

ABALIS N IMKRAZN: Tullist ar ttini mas
illa yan umkraz ar ikkrz akal nns, ssny is
dars yan ubbiy n uyrum d nttan ka ad ittāf
ad t icc, ak^wry as ubbiy ad n uyrum ad. Llig

¹ Ar yalla ar ismummuy (actukn) .

fllas illa ad irggm ar ittzawar... mad d
igguran? is inna... “Ad t icc wanna t yusin s
taḍfi d udwas”...Ha yi iwiḡ d ubbiy ann n
uyum... hat id...

ANMFUR N IBALISN: Ur tnnit mad ihrcn
g mad izlin s umkraz ad... macc mad ttinin
g wiyyaḍ yaḍnin?

ABALIS N IMKRAZN: Mk-ann ad akk^w
gan, yan uynja ag swan... ur ḡiy ad d awiy
yan ka gisn.

ANMFUR N IBALISN: Man udm ad dark
illan llig d tddit s ifassn nnk zwanin? Tsmd
tt akk^w llig d ik tiwit ubbiy n uyrum d ur
irurn atig n tḡalimt... yak ur ak inna ix
nnk ad gigi tḡḡḡat? Yak ur trit ad tddrt ar
tcttat mk-ann g urwass fabuḡ? Wiyyaḍ
yaḍnin lli akk^w ḡid illan gan nn tuggas nnsn
ar ttizzaln g twwuriwin nnsn, ha tn inn (Ar
tn immala s ufus) illa mad gisn igan ag^wri i

10.000, wayyaḍ iga ag^wri i 20.000, wis krad
 tanṭtuft nns tga 200.000, is akk^w iga yan
 gisn ag^wri i 112 n ug^wrram... hak id kiyyin
 tayult d s ifassn zwanin, uggar n mkann llig
 d turrit tssilit d d-ik aylli mmu tgit s yism
 ubbiy n uyrum... ar iyi yid ttalst umiyn ur
 llin s ignna ur llin s wakal, g tidt is ar hlli
 ttulluyt, ur ar tswwurit, mayann ad d yiwin
 ayllig k nnran imkrazn... qql hlli a winu...
 rad ak mmalay umlan ur sar d kiyyin a rad
 tn ittu.

ABALIS N IMKRAZN: uhu ad yi ur taznt s
 dar usrfufn, adj yi ad zwar iniy yat tguri...
 hann ibalish ad akk^w trxa asn twwuri nnsn
 d inmyurn ny imznzimsayn ny tutmin...
 mdi asn ka asnṣi... anmyur yan uṭrbuc
 ittwayskarn sg ug^wlim¹ n tẓlktṭa² ny yat
 tyult as rad t tssgrdt tawit t ar ttmi n

¹ Fourrure

² Zibeline السمر

ddunit, mkann day d umznzamsay, ml as ka idrimn tsmmasst gis tismin d tynnant, rad gis tbađt gis mklli hlli trit, zun as tgit izikr g umggrđ ur sul yufi mani s ittrwal. Timyarın yadlli ntnti... kuyan issn is rad gisnt tskrt aynna trit yas s iqcuċn d tmimin... macc zdi tnt d imkrazn ntnin, ur ad ak d ffaln amr tugtt n tmmara d tkrrayt. Manmk as rad tsmasst iman n umkraz lli ittilin tawwuri sg taylgi ar yiđ, sul d imik g wađan kra n tikkal, d ur ar issntay tawwuri nns ig ur ibdr ism n wakuc. Ar ak ssutury a babny ad iyi nn tsittit g imkrazn ann, hat ssrmin iyi... is iyi d akk^w d ik ldin tazit.

ANMFUR N IBALISN: Ar giy tđşşat a amxuyn... mad trit ad taddrt ingg^wa nnk... ur ar skarn timdayin i imznzan d inmyurn d tutmin ayllig ssnn manmk s sxndallasn ar d sggrun tiyarasin timaynutin manmk s rad tn cckcumn i ufus... s umdya... had abalis n

imazzaln n twwuriwin n tnbađt isgg^wra d
yat tyarast akk^w igan tamaynut g unyilkm
nns... af ula kiyyi kra n tyarast mas gisn
tbađt... ny d tyalt is tskrt tanyaft llig d tukrt
ubbiy n uyrum! Smuttl asn d tiratsiwin¹,
rad nn đrn g kra n yat tmdayt gisnt... aylli
ar ttulluyt ar tjllut tizi, ntni ufan azmz n
usunfu... ilmma syafan s udwas, kkn fllak..
ur ar tn sul ttig^wřiz f ubbiy n uyrum... tut
gisn tmyurt-ad s izuřan mln tt i tutmin
nnsn, s mk ann, rad sik asin akuray, ffyn ak
afus... illa fllak ad tswingmt ar tskart kra n
tillay manmk as ar d isn ttnyalkamt... illa
fllak ad d tfsit amukris ad nnk s kra n
tyarast lli rad k issufy.

ABALIS N IMKRAZN: Ur ssny man tillay
ar ad asn sul skry? Ar k ttry ad iyi nn tsittit f
twwuri ad n imkrazn... ur sul zđary ad d
isn swwuriy.

¹ Inrfal (filets)

ANMFUR N IBALISN: (*S itfīln*¹) Mad
ttinit? Ur as tufit? Yak ur ak inna ix f nnk ad
dduy nkki s ix f inu g udyar nnk?

ABALIS N IMKRAZN: Ur sul ufiy ad d isn
swwuriy...

ANMFUR N IBALISN: Ur as tufit? Awa
ttqql! Awiyať d alkkud² srutat t!

*(Umẓn indafn abalis n imkrazn ar t kkattn s
ulkkud).*

ABALIS N IMKRAZN: Ayy! Ayy! Ayyy!...

ANMFUR N IBALISN: Is tufit kra n tillay
timaynutin yilad, ny d urta sul?

ABALIS N IMKRAZN: Ayy.. ayy..! Ur ufiy
ad afy amya.

¹ Urrif

² Cravache السوط

ANMFUR N IBALISN: Kkatat t! (*Ar t kkatn*) Ha... is tufit kra yilad?

ABALIS N IMKRAZN: Ayy.. ayy... yah... lkmy... ufiy!

ABALIS N IMKRAZN: Hat ufiy yat tyarast lli s rad tn akk^w baḍy, gy tn g ddaw n ufus inu, ajj iyi ka ad gy anfir¹ dar yan umkraz... ur zḍary ad ak sul iniy uggar yilad.

ANMFUR N IBALISN: waxxa, macc ad ur tettut, iy zrin kraḍ isgg^wasn ur ar d ttrrat tayamt nnk g uyrum lli tcttat rad ak kksy ilm.

ABALIS N IMKRAZN: Rad akk^w ilin g ddaw n ufus inu s kraḍ isgg^wasn.

ANMFUR N IBALISN: Waxxa... yid s kraḍ isgg^wasn nkki ar d nn iddu s ix f inu ad zry mad tsqrt.

¹ Imkiri

ASKKIR III

ASANAY I

(Abalis s tmlsit n unfir¹, ar d issugu irdn sg tkrrust, amkraz ar tn izwwi s taryalt yasi tn s ugadir).

ANFIR: tad ad igan tawltimt tis sat.

AMKRAZ: Mnck n twltimt ad nlkm yilad?

ANFIR: *(Ar ismuqqul g tmitar γzanin g waggur n ugadir).* Nlkm yilad simraw d sdiş n twltimt, tad iga taryalt tis sat sg twltimt tis simrawt d sat.

AMKRAZ: Agadir ur yumi unck ad n irdn ittut ar taqammut.

ANFIR: Ddz bahra irdn s ugn̄s n ugadir afad ad yamu uggar.

AMKRAZ: Mayann a rad skry. Yasi taryalt.

¹ Imkiri, amsnir

ASANAY II

ANFIR (*i waḍu nns, ikks tarazal, izuzf askiwn nns*). Illa sul imik n uzmoz urta rad iffy umkraz. Ad gis uty tamlda, ad ssay^wdy askiwn inu. (*Ar issay^wad askiwn nns*), illa flli ad kksy idukan inu, aylli mu ur ufiy ad t skry dat nns. (*Ikks idukan nns, ar ittmnid idarṛn nns id bu ifnckkar, iggawr iggi n imriri n ugadir.*) Hayay nzzri wis kraḍ isgg^wasn. Illa flli ad smdy aylli f d ddiy... Had irdn ntln nn fllay tafukt, ur iyama dyi amr ad as mly tad igg^wran manmk ad as iskar s tyarast inu. yila... ah!, ukan ilmma qqly s unmyur n ibalisn ad d irzf, ur gis turda illa yid mad as mmaly tiklit ad... Tikklit ad rad ifru umkraz tin ubbic n uyrum s aylli ur tgi.

(*ikcm d unarag, iffr unfir askiwn nns.*)

ASANAY III

ANARAG: Tifawin.

ANFIR: Tifawin.

ANARAG: Manza bab n taddart?

ANFIR: Ar itddz imndi g ukafu n irdn, ad gis yili ma y sul ittga ugar.

ANARAG: tfulki twnza nns, ur yufi mani g ka sul ittga tugtt n tyafut n imndi, sin isgg^wasn zdinin a ad... Zun as immal kra n yan mad iskar sg izwar... Asgg^was ad izrin iga aqqurar, illa uzrig, ikrz igran n uzddar, ur usin middn yat g imndi, ar k^wnni ittut ugadir nnun s imndi ar ttmi... asgg^was ad, idda d unẓar... taklit ad ikrz irdn g wakal n ufla zun yaqgra imal... Tut tggandut ayda n middn s tagut, k^wnni k^wnant tzlfin nnun s uzazu n irdn... Ajj nn akk^w mnck ad lan irdn s ixfawn nnsn... Awa is tn gan irdn ad

ur akk^w lin anaw! ẓṛ aqqa ad (Ar issak^way
yan ummaz g ufus nns, igzz gisn kra n
wamud).

ASANAY IV

AMKRAZ: (*Rad d iffɣ g ugadir, tigira llig
issuga tawltimt.*) timkliwin amddakk^wl!

ANARAG: Ad imul wass nnk!... tufit iyi d ar
sawaly d unfir nnk f mas tssnm ad tstim
adyar n tyrza asgg^was ad... mddn akk^w
usmn¹ k... ar ttinin... Yusi asgg^was ad
taffiwin?!... manmk as buylan irdn nns...
tayafut lli mi ur iyi yan ad tt icc g mraw
isgg^wasn...

AMKRAZ: Afulki n mayad akk^w iga win
Botab. (*Isskn anfīr nns.*) Nttan ad mi tfulki
twnza nns... nḍadana uzny t s tkrza slay
ntta, afy t inn ikrz tiyula n uzddar... ẓiy d is

¹ ḥsadn.

f mayann, macc issk^wna iyi d aylliƴ sul k^wfsy
amud ƴ uzddar, skry afulki lliƴ as ssfldy... g
usgg^was ad day ifulki wakal lli day isti, ik^wfs
amud g ikaliwn attuynin...

ANARAG: Llant fllas tmitar mas issn
manmk rad ig unzwi n usgg^was ad ny d win
imal... awa tga tt tyafut ad, mkad iggut
mad tusim! (*Ƴat tizi n ifsti*). S tidt ddiƴ d ak
ttry ƴan uclif n wazkkun¹. Imid iyi akk^w
aylli ḥḍiƴ, rad ak t is surriƴ g usgg^was ad
sul.

AMKRAZ: Ur gis kra n umukris... asi
unck nna ka trit.

ANFIR: (*Inzl i umkraz s iƴ^wmr nns.*) Ad as ur
tfkt amya!

¹ Seigle

AMKRAZ: (*I unarag nns*) Is d mayad isyawsa s akk^w s unck ad d wawal... asi aylli trit a g^wma.

ANARAG: Tanmirt... rad dduy ad d awiy asgrs.

ANFIR: (*Isurri nn udm nns ar isawal d ix f nns.*) Yumz nit sul g tmyurin nns tiqburin, mklli t... ar yakka mad as akk^w ttrn wiyyaḍ... urta jjun iskar s wawal inu g twwuriwin akk^w... macc qql... yilad rad ibbi tikki. (*Anarag rad iddu.*)

ASANAY V

AMKRAZ: (*Rad ibdd g imriri n ugadir.*) Mad ur ittajjan yan ad yakka i ufgan iziln?

ANFIR: mass, iy k issusm ad takkat fk, macc hann ur rad sul dars tẓrt aqqa hlli, ar ttinin imzwura: ad takkat iga zun d hlli tetrmt i

uksar n udrar, ad d trart aylli tfkit iga zun tiwnt i usawn.

AMKRAZ: Ad iyi tggat tabbaydaṛt f ad ur skary afulki... hat ggutn irdn.

ANFIR: Mad za gis iy akk^w ggutn?

AMKRAZ: yar aylli nusi asgg^was ad, yuda ay, is akk^w igum i sin isgg^wasn yaḍnin... mad akk^w za nra unck ad?

ANFIR: Manmk?... "Mad rad nskar s unck ad?", tssnt irdn ad lli s tnnit ma mi tn nra... nttni ay rad ak skry yat tyawsa iṛwan immimn lli rad k ig g tumrt kra tkkit tddrt.

AMKRAZ: Ma rad gisn tskrt?

ANFIR: Rad gisn skry yan imsswi ig yad iṛmi wafud i yan, rad as d irar adwas nns... iy isyafa s laḥ rad t isjjiwn... iy iggummi iḍṣ, rad t isgn d ulggud... ig innuyjf, rad isyafa s

tamimt n urar... ig isyafa s tuctal, rad d gis
idi tirrugza... imsswi¹ ad as riy ad t skry.

AMKRAZ: Ar ka gi tskirkist!

ANFIR: Hat id day yayul ar ittini: “Ar
skirkisy.” Tikklit yaɗnin! Ur iyi akk^w tflist
llig ak nniy krz irdn g wayda n uzddar
tikklit izwarn, d llig ak nniy krz win ifllatn
tigira nns... rad tssnt tidt n ma f ak sawaly n
izmi dy nttan.

AMKRAZ: Ma y rad t tskrt?

ANFIR: Aylli akk^w irxan, sg irdn ad nit, ur
d kra yaɗnin.

AMKRAZ: Yak ur gis kra n ubkkad²?

¹ Boisson

² Péché

ANFIR: wahwwan inu! Man abkkaḍ ad gis illan? Aylli akk^w illan g tudrt ad ittiyskar ad gis yaf ufgan taḍfi nns.

AMKRAZ : amṭir¹ aya...! Mani d s ik ikka mayad d tytti d tussna a Botab!?... iy ak ttannayy... Ar zṛray yan yan urgaz unzil ittirin tawwuri, ar tn gik ttchamy² llig yid tddrt sin isgg^wasn a ad ur jjun k zṛiy ad tkkst idukan nnk yat tikklt ka... d ur tt tiwit g tyusi nnk ny timlsa nnk... Mqqar d mkann tssnt kra igan tayawsa... manmk as akk^w tlkmt mayann?

ANFIR: Illa yan wawal iddrn ar ittini: “Wanna ittidun iggi n wakal ar ittssn tugtt... d ur illi kra n udyar ur kkiy...

AMKRAZ: Tnnit ar iskar adwas... riy ad iniy... imsswi ad?

¹ Lejb.

² Ttuhamy, ttejjaby (actukn)

ANFIR: Rad tẓrt s ixf nnk... yan imsswi iga akk^w tayafut.

AMKRAZ: Manmk as rad t tskrt?

ANFIR: Askkir nns ur gis amukris tizi nna tssnt tayarast nns. Macc nsaywsa s yat tfḍna n wanas d sin ig^wdar n wuzzal.

AMKRAZ: Is za immim imsswi ad nnk?

ANFIR: Immim zun d tammnt... ig t tmḍit tiklit izwarn ur sar rad sul d is tngarat.

AMKRAZ: Is za iga wawal tidt? Mknna iga wawal rad dduy dar unarag inu, ssny is dars yat tfḍna n wanas... ur gis amya ig nurm mad tnnit.

-Ibillu-

ASKKIR IV

*(Rad tg tmsult¹ yan ugadir n tgm̄mi n umkraz.
G wammas, yat t̄fd̄na n wanas immrgln yili fllas
yan uḡdur n uzzal ilan tasnfr̄t² rad tr̄qqa f tmsi.
Amkraz d unfir d̄ufn tt)*

ASANAY I

ANFIR: *(Rad yam̄z aẓway ddaw n tsnfr̄t. im̄m̄di
imik n un̄ziz̄.)* hhh... wa bab n taddart... iga
mklli gis nra...

AMKRAZ: *(Rad iggawr f izumaz̄ ar
ismuqqul.)* ma mi ttuhamt aynna! Arktu³
nnk iskr aman... rad tr̄z̄mt zwar i waman
irwas yak?

ANFIR: Mayad ur igi aman... hat imsswi lli
f ak sawly ayad.

¹ La scène.

² Robinet.

³ La pâte.

AMKRAZ: Mkad... war aklu? Nniy yadlli
nkin is rad ig azgg^way zun d lbirra, ad
tinit is d aman!.

ANFIR: Kdu t zwar fad ad tsawalt.

AMKRAZ: (*Ar ikḍḍu imsswi.*) Wah, awa
mkad ijja waḍu nns! Ml iyi... ml iyi za
manmk rad ig umḍay nns g imi... fk iyi t id
ad t mḍiy.

(*Immay ad as ikks azway sg ufus n unfir.*)

ANFIR: Qql... hat rad t tffit. (*Iqqn tasnfirt, ar
issa imik g uzway ar t issimim s yils nns.*) Is
akk^w inwa!... hak... su.

AMKRAZ: (*Rad yarm imik taklit izwarn, isu
day imik ar d akk^w issugu mad illan g uzway.
Ifk as azway.*) Ffi iyi d sul imik...Ur yiḍ ad
ssny amḍay nns s imik hlli...

ANFIR: (*Ar idssa.*) Ny d is trit ad iyi tinit hat
issusm k? (*Rad as d iffi uggar.*)

AMKRAZ: (*Ar issa.*) Waynni imsswi illan d
ixf nns a ad! Illa fli ad d ɣry i tmyart inu...
Wa Marfa... Marfa ddu d... hat ihiyya
imsswi... ddu d... is rad d tackt?

ASANAY II

(*Amkraz, Anfir, Tawtmt, Tarwa.*)

Tawtmt: Hiii... mad trit? Mad k yayn ar
tsyuyyut mk ann?

Amkraz: ddu d, mɗi aylli nsmqqi. (*Ifk as
azway*) Kɗu tujjut nns.

Tawtmt: (*Ar tkɗɗu*) s tidt ila tujjut! Is akk^w
ifulki!

Amkraz: aywa su!

Tawtmt: yak ur rad iyi issay kra?

Amkraz: Su a tanafalt!

Tawtmt: (*Ar tssa*) a manmk ad immim!

Amkraz: (*Iduhda imik*) is nit immim s tidt...
qql kmmi ad tẓṛt ma rad iskr... ar ittini
Botap mas ar iṭṭay ṛṛmmuyt, ar d issayul
arba ig awssar... uhu... uhu riy ad nniy ar d
issayul awssar ig arba... ha iyi ur swiy amr
sin izwayn syafay s ixsan inu uydn akk^w g
idyarn nnsn (*S yan urar n unḥmims*) is tẓṛit?
Qql... ad ka gis nsu nkkin d im ku ass rad
nayul s teurrma nny, hihh... a bictti¹ inu!
(*iyyil*² tt)

Tawtmt: mad k yaɣn? ismlalli imsswi nna
ixf nnk!

Amkraz: tnnit t! Tkkit tt inn ar bdda
ttinit... mas ar ka njllu nkki d Botab irdn
nnm, is tẓṛit aylli d gisn ḍin ifassn nns? Ur
rad sul tsmummit! yak iṛwa mayad?

¹ Chere.

² Iga as tiwa, iḥbbl as d

Tawmt: manmk ad ur iṛwu iy ar d issayul iwssarn gan Ierrimn?! Zṛ ixf nnk manmk as k id isurri mk ad trcqt! Awd nkki syafay yad s idammn y ixf inu ar gi ttidun. ddu d aws iyi ad nttirir! Yih... yih... yih... (*Ar ttirirn*)

Amkraz: S tidt, s tidt... rad d akk^w nayul nga ierrimn rad akk^w nrcq.

Tawmt: illa flli ad d yry i tdgg^walt tafqqirt inu, ar hlli ttzi ar trggm mad ila wass, ad tt nssnfl ad tg taerrimt dy nttat, rad yilwiw wul nns.

Amkraz: (*isḍliga aqqa*) ddu yr d i immi... yr as d s yid, Macka... kmmin a Macka! tddut tyrt d i tabtti nnm, tettert i daddam awd nttan ad d iddu... ini as ad d igg^wz sg ufla n ufarnu... ur ssny mad gis iskar!? Rad t id nssayul iga aerrim awd nttan... azzl... zun d usman... azzl...

Amkraz: *(ar isawal s tmyart nns)*... awa...
mad tnnit y yan uzway yadnin?

(iffi asn d unfir yan uzway yadnin ifk asn t)

Amkraz: *(ar issa)* issayul iyi d imsswi
tieurrma, izwar iyi s yils inu, yitti nn s ufus
inu ɗarat n mayann, syafay yilad is is iyi
ilkm idarn inu... zɾ... ar tt mussun i waɗu
nnsn. *(ar ittrkaz)*.

Tawtmt: *(Ar tssa ar tsawal s unfir)* hi... wa
aslmad isfawn mud nns... wa Batabucka
ddu d, ut ay tawna¹.

*(rad d yasi Botap Abalalayka², issnta ar ikkat
azawan s tawna, amkraz d tmyart nns ar tthucn)*

ANFIR: *(ar ikkat tawna sat imi n tmsult n
umzgun ar idssa, isnbaqqc titt, rad isbdd
azawan, macc ntni rad nit sul tthucn s sin)*

¹ Tarribabt

² Yan wanaw n imassn n uzawan aqbur

iblis... iblis... rad tfrut atig n ubbic n
uyrum... ttyamazn sul g tmdayt ur sul
darsn manmk s lliln ixfawn nnsn... yilad
yack iyt d umyar n ibalisn ad izar.

ASANAY III

*(rad d tkcm mas n umkraz d babas, tafqqirt
tmmummi sul mqqar tussr, awssar ntta yut sis
uzmz, imluln akk^w wanzadn n ixf nns).*

Awssar: Matta mayad tskarm? Is tnuflm?
Ayt tmazirt akk^w ddan s twwuri g igran,
k^wnnin tgiwrm ar tthucm!

Tawtm: *(Ar tthuc ar tkkat abqqa s ifassn nns.)*
Hihhih.....hih.....! *(Ar d tettay awal zun d
urarn)* skry abkkad dat n wakuc.... akuc ntta
hlli ad igan war abkkad!

tamyart tawssart: Waynni tgit gar tamyart!
urta akk^w tsgaddat afarnu, ahwac ka ad am
yagurn!

Amkraz: Yuda... yada km a immi! Is tssnt
mad d yid igguran!? Ar d nssayul iwssarn
gn ierrimn... ham amz! ur flam illi amr ad
tsut! (*Ifk as yan uzway.*)

tamyart tawssart: Iy rad iyi tfkm aman, hat
iga tn akk^w wanu. (*Ar tkddu adu n imsswi.*)
Mad as tgam? mkad ijja wađu nns!

Amkraz d tawtmt nns: Tikđut n wađu nns
ur tudi... mmdı t!

TAMFART TAWSSART: (*Ar tmtti imsswi.*)

Yak ur rad iyi iny wakuc iy t swiy?

TAWTMT: uhu is rad km issrcq, isud gim
tudrt, rad d tayult tgt taerrimt.

TAMFART TAWSSART: awa ma mi
ttuhamt... is nit iga mayann tidt?! (*ar tssa*)

Awa mkad irwa imsswi ad! Yuf sul lbirra...
tawala nnk ad a babas... mđı t awd kiyyin.

(Rad iggawr uwssar ar ikkat s ugayyu).

ANFIR: Ajjat t d ixf nns... ar ttannayy is yuf ad fky azway yadnin i tabtti. *(Ifk as yan uzway yadnin.)*

TAMFART TAWSSART: kşudý ad iyi issay kra! Ayy... ar ijddr g taqqayt... macc iman inu rant nit sul.

TAWTMT: Su... rad tẓrt manmk s rad ittidu g izuran nnm.

TAMFART TAWSSART: Irwas ur gis mani s ttrwalt i tirit ad. *(Ar tssa azway.)*

TAWTMT: Hahaha... is am ilkm idarñ?

TAMFART TAWSSART: Ar syafay is sisn yumz ayaras... ha t... yid ad iyi ilkm... syafay s tfssi tumz akk^w tafkka inu... ffiyat iyi id sul! *(Ar tssa azway yadnin.)*... Tamaxirt! S tidt is akk^w giy taerrimt yilad.

AMKRAZ: Is am t nniy!

(Anfir ar ikkat tawna¹, amkraz d twtmt nns ar tthucn.)

TAMFART TAWSSART: *(Rad tbdd g wammas n tmsult n umzgun.)* Is d mknna ad ittgga uḥwac? Rad awn mly aḥwac manmk ad ittgga.

(Ar tthuc) mkad... yat tsurift γ yid, yat yinn... mkad... is t tẓram?

(Daddas n umkraz ar nn ittaz tafḍna n wanas iẓẓm i unẓiz ar ittffi ingi g wakal.)

AMKRAZ: *(Rad iẓẓr mayann, yak^{wi} nn f daddas.)* Matta anufl lli tskrt a gar? Madlla afulki ad mu tgit ag^wri! Ttfu k a awssar n gar! *(Rad t inn idḥi isrs aẓway ddaw n tfḍna n wanas.)* Madlla anziz... tgit as ag^wri!

¹ Ribab.

AWSSAR: Mayad ur igi afulki... gar aya... ifka ak wakuc irdn ad sisn tddrt, tssidrt sisn wiyyaḍ, macc kiyyi tskrt gisn yan imsswi abalis... ur rad ak d yurri mayad s wafulki... Ajj k g ihjdrurn nna, ny hati rad sisn tgt ag^wri i yixf nnk tgt s wiyyaḍ... tyalt is iga maynna tskrt imsswi? Uhuy... takat aynna... takat lli rad k ijdr.

(Yasi d yan usafu iktin g uzddar n tfḍna ig t i unḏiz iffīn g wakal.)

(Rad tnkr takat g unḏiz iffīn iggi n wakal, rad akk^w igg^wd mad γinn illan.)

-Ibillu-

ASKKIR V

ASANAY I

(Tigmmi n umkraz – Anfir i waḍu nns izzf f waskiwn nns d ifnza nns.)

ANFIR: Ifka ṛbbi irdn ayllig nn fllay ntl̄n tafukt... hat id yilad ar gis tettamz̄ tamimt n imsswi, hayay nsmqqi day imsswi amaynu nffi t g yan ugdur nffr t f walln n middn... ur ad sul nakka imsswi i yan g middn sg wass ad d mad d ikkan imal, ig ur frin ur ad ikk imi nnsn... ny d wanna sgisn nsyawsa, rad t nssu s tumrt, ha iyi nniy as ad iyr i imyarn lli ttawssannin is ar ctan izrfan n middn, ad tn issu, ad as tbbin ayda n daddas, ad as t aran f yism nns, s mkann rad d yagur daddas yumz̄ g waḍu... had azmz̄ lli iyi ittwayfkan imd, zrin kraḍ isgg^wasn gant akk^w tyawsiwin mklli gisnt riḡ, yack iyt d unmyur n ibalisn ad izṛ s ix̄f nns, yilad ur sul dari ma f ittizwiḡ udm inu mind nns.

ASANAY II

(Rad isty wakal, iffɣ d gis unmyur n ibalish.)

ANMYUR N IBALISH: Had azmz lli d ik
nskr ismd! yila ad nɣr is d trurt agzzum n
uyrum lli ak nakka? Fkiy awal inu s ix f inu
ad acky, ad d sik agg^wy, ad ɣrɣ aylli tsqrt...
is za tgit amkraz ddaw n ufus nns?

ANFIR: Ifl iyi akk^w tanbaɗt... ur iyama
amr ad tɣrt s ix f nnk, hat ur asn iyama
umya ad d munn f ugraw yid yilad nit...
kcm d ufarnu tntlt, tɣrt ma rad skarn... ur
gis turda ssny is rad tafit aylli rad k issusm

ANMYUR N IBALISH: *(Rad ikcm s ufarnu.)*
Awa rad nɣr.

ASANAY III

(Rad d ikcm umkraz bab n taddart d kkuz imyarn tigira nnsn, tawtmt taldni¹ nns. Rad ggawrn skrn asurs i tirmt, rad tn tsnir twtmt, rad asn d tsrs tirmt... Rad zuln imyarn f unfir.)

AMFAR I: Manmk ad nn tgam... is day tskrm kigan d imsswi tiklit ad?

ANFIR: Nsmqqi gis aylli s nsyawsa... ifka rbbi tamxirt ad ka ur iddu mkann?

AMFAR II: Is d za imsasa, ig imsswi irwan?

ANFIR: Is akk^w yuf win tikklit izrin s kigan.

AMFAR II: Mani y d za tlmdt mayad?

ANFIR: Anzi² ar ittini... Wanna immuddan iggi n wakal ar ittssn kigan.

¹ Lahl nns.

² Awal iddrn (proverbe)

AMΓAR III: Mayad lli tnnit iga tidt... izil...
tgit baba n tirmit iggutu.

AMKRAZ: Nsunf s iwn, kcmat!

(Rad asn d tsrs twtmt tirmt)

TAWTMT: *(Rad d tawi yan urddm tffi asn gis
anziz.)* S tdusi nnun!

AMΓAR I: *(Ar issa.)* S tdusi nnun... waynni
imsswi irwan a ad! Issnta ar ittidu g
idammn inu... imsswi anmkrra ayad!

*(Ar ssan imyarn s krad yan tigira n
wayyad, rad d iffy unmyur n ibalisn g ufarnu,
ibdd unfir tama nns.)*

ANFIR: *(Rad isawal s unmyur n ibalisn.)* Zr
ma rad d igguru yilad... rad mdiy aḍar inu
yilad dat n twtmt afad ad t tnfi, tut tt tfikit,
rad as iffi uzway... ur ar imil ismummuy f
ubbic n uyrum mayad izrin, rad tẓrt

manmk rad ig yilad f yan uzway mẏẏiyn n
unẏiz ig as iffi...

AMKRAZ: Aywa kmmi ffi ay d sul... s
twala... ffi zwar i umyar mqqurn, tittit nn s
dada Michel.

TAWTMT: (*Ar tffi anẏiz ar fllasn tkka g
usurs, rad isrs unfir aḁar nns dat nns, rad tt tut
tfikit, iḁr as uzway sg ufus nns.*) Ixx...tut iyi
tagat!... tffit iyi aẏway. (*Ar tsawal s unfir.*)
Man abalis ad k id yiwin s yid?!

AMKRAZ: (*Isyuyy f tmyart nns.*) Mad tskrt a
tiblist tanafalt! tgit zun d kra n yan ur ilin
afus, ar tẏẏfuḁt s wiyyaḁ gar nna tskrt!...
madlla afulki a mu tgit ag^wri, tffit t...

TAWTMT: hati ur dis riy ad t ffiy!

AMKRAZ: Ar sul tsawalt?! Rad nkry yilad
ad am mmalay manmk ad ittggan ad tffit
anẏiz g iggi n wkal... (*Isyuyy nn f unfir.*)

Awd kiyyin a wacc...! Mad k id yiwin ad ttulluyt tama n usurs?! Itti nn fllay a iblis ad?! (*Rad d day tffi turwtmt anziz amaynu, tddu d ad tn tssu.*)

ANFIR: (*Rad nn yaz afarnu rad isawal s unmyur n ibalisn.*) Tzrit yilad aylli ak nniy... ur tt yuss f ubbic n uyrum lli d akk^w dars yagurn g mayad izrin, tura is akk^w ira ad issy^wrc tamyart nns f yan uzway mzziyn, is iyi d akk^w yuzn s dar iblis, s dark.

ANMVUR N IBALISN: Ifulki... izil... izil bahra... ur iyi sul tflt mad ak ttiniy tulyitin inu!

ANFIR: Qql... qql... ajj tn ad sun tarṛḍumt, tzrt ma rad d iggru uggar n unck ad. yilad ar snnfkan awal f tkka tammnt n yils ilgg^wayn, yan imik ku yan gisn rad ittaly wayyad, rad akk^w fllasn tkk txndallast zun d gar ibuyay.

AMKRAZ: Manmk rad tg twwuri yilad a imyarn nny attuynin? Manmk as rad tfrum aylli s k^wn d iwiy? Ikka tt nn dada iddr dari, nkkin ad t yusin. Yah nkkin ad as yakkan ad icc... yilad idda dar emmi, ira ad yasi amur nns g taddart ad t ifk i emmi... yilad awal iga winnun, rad tbbim awal s mklli iffyn... tgam irgazn ilan taytti¹... nkk^wni war k^wnnin zun d tafkka tar anlli... d ur illi g iym ma rad giwn yini azawar... ad nasi Ivan fedotitc s umdya... ar akk^w ittinin is iga amyar n imyarn n iym... yilad had tidt ad as tssfldt y imi inu a Ivan Fedotitc... Hat tgit dari uggar n baba d immi... Ny d Michel-ad Stepanitc iziln, iga yan umddakk^wl aqbur.

AMFAR I: *(Rad isawal f bab n taddart.)*
 Issusm ay bdda ad ndru awal d middn fulkinin, mayann ar d ittrnu anlli i

¹ Leaq.

wayyaḍ... mkann d kiyyin ifulki did k
wawal... s tidt ur akk^w illi kra n yan yaḍnin
zun d kiyyin g iyrn.

AMḤAR II: Aylli ak ittḥkan d unlli d lliy
ifulki ufuṣ nnk af k ntiri.

AMḤAR III: Tra k bahra tasa inu, tẓrit..., is
akk^w dari ur llint tguriwin manmk s ttiniy
mayann. Uggar n unck ad is rad tt akk^w
iniy ass ad i tmyart inu.

AWSSAR VI: Amddakk^wl ifulkin...
amddakk^wl iziln

ANFIR: (*Ar inzzl i unmyur n ibalish s uynfif
nns.*) Is tẓrit? Ar akk^w skirkish... ku yan
gish ar irggm wayyaḍ ar d ka bḍun.. hak id
mklli ttannayt yilad, ku yan ar izzy^war
wayyaḍ... ayuln d zun d ibuyay iy ar
smussun timyal nnsn... mayann akk^w yiwi
asn t id imsswi.

ANMVUR N IBALISN Imsswi iżiln! iżil bahra. Iy rad skirkisn s mkad, hat winny ad gan. Ayyuz nnk, ur dari mad ak ttiniy.

ANFIR: qql sul ar d sun tarṛḍumt tis snat, tẓrt ma rad d iggru.

TAWTMT: (*Rad asn tffi imsswi yadnin.*) Ccat tsum s tdusi nnun!

AMFAR I: Irwas is fllay iggut mayad?... s tdusi nnun! (*Ar issa.*) d mit sul! Uddur ad ay iga, ny d uhu? ad issa yan d ismunn zīlnin.

AMFAR II: Ur gis ma y ttrwalt i tissi... s tdusi nnk a bab n taddart d kmmi a massa!

AMFAR III: S tdusi nnun a imddukkal ezzanin!

AMFAR IV: Mkad ad ittḡga imsswi iżiln! Suyat, trcqm! Rad akk^w nfsi tassasin nnk, mklli riy a rad gint.

AMṬAR I: Manmk mklli trit... hat ur d
kiyyin ad yid ibadn? taguri igguran ur tgi
tinnk... manza awal n willi k ugrnin?!

AMṬAR IV: Yah ugrn iyi, macc kra s ixatr
yan yimziy as unlli... ddu ma y ttirirt!

AMṬAR II: Hiii kiyyin. Maxx lliy ar trggmt
middn? A amṣud!

AMṬAR III: Is nit inna tidt, ur d is nn giy
yunni umkraz ayyur llig ay isnnubg, is giy
isyawsa s tinns... rad nskr s mad ira... macc
illa fllas ad ay isnnubg s dar tissi ur d tiklit
ad ka, tiyyad d tiyyad, tgt ay atig iggutn,
acku tsyawsat s iy... ur d nkk^wnin ad s ik
isyawsan... max mad tgit? Is ur tgit amr
g^wmas n ilf!

AMKRAZ: ur tssnt amr ad tffit aman n
tudrt, ny d uhu?... yilad? Is ur tssnm amr
ad tsdrcum? Ssny k^wn akk^w, ur tssnm amr
ad tthuzm ar tcttam ayda n wiyyad.

AMFAR I: Mad k yayn ar flay ttufft yilad,
tskrt gis murran? Rad s ik nkry yilad
ssay^wdy ak inzar nna nnk.

AMKRAZ: Rad n̄r manwa rad issay^wd win
wayyad.

AMFAR II: Waxxa! Yah, a abbar iziln!...
am̄z ad nn tawit, ad k inn yasi iblis!... Ur sar
d nkkin ar d ik isawal f kra n tyawsa a
amudr ad! Is rad akk^w dduy.

AMKRAZ: (*Rad t yam̄z ad ur iff̄y.*) Mad k
yayn trit ad trwit agraw?

AMFAR II: Ajj iyi, itti nn gigi, ny r̄ziy
akrum nnk!

AMKRAZ: Ur rad k ajjy! Ur dark azrf ad...

AMFAR II: Am̄z ad nn tawit, had azrf lli iyi
t ifkan! (*yut amkraz.*)

AMKRAZ: (Rad isawal s imyarn.) Wak wak
llilat iyi... bddat didi... (*Mmrksn akk^w gratsn,
ar sawaln s yat tklit.*)

AMFAR I: Yah... ha mkda ittggga ig nrcq!

AMFAR II: Yah... awd yat ur flli tcqqi! yiy
asnt akk^w!

AMFAR II: Suyat ay sul?

AMKRAZ: (*Ar yaqqra i tmyart nns.*) Awi d
sul tarṛḍumt yaḍnin! (*Rad gawrn tikklit
yaḍnin s usurs, ar day ssan.*)

ANFIR: (*Rad isawal s unmyur n ibalisn.*) Is
tzrit yilad?... Ktin gisn idammn n uccann...
ayuln d qjrn zun d uccann.

ANMFUR N IBALISN: Is t nit iga imsswi
ad, iṛwa nit s tidt, fkiy ak mayna.

ANFIR: Qql.. qql.. ar d sun tarṛḍumt tis
kṛaḍt, ad nṛ ma rad iggru uggar n mayad,
aylli nn ur tetamt.

ASKKIR VI

(Amzgun rad ig yan wasuk g iŷrm. Rad ggawrn imŷarn g tsga tafasit f iggi n iflwan n ukccud, yili gisn uwssar daddas n umkraz. G wammas imarirn d imħucn sg tutmin d irban d trbatin d ierrimn rad skrn tawrrayt¹. Rad tthucnd uzawan. Rad d ilkm waqqur d usŷuyy n willi swanin aylliy gan aqqa g taddart n umkraz, rad d gisn iffŷ yan umŷar rad iwwaqqi mklli skarn willi swanin, rad t id iccukku umkraz ad t ijjukrŷru s taddart.)

ASANAY I

AWSSAR: tagat ayad! tagat! Mas isŷawsa ufgan! Ad iswwuri tizi n twwuri, ig lkmnt tigga²... issird, iggus imassn nns, isunfu... iggawr d ayt twja nns ny iffuy imaggar d iwssarn g tsukt ar ttmsawaln f twwuriwin n middn... mk sul gan middn igšmaḍn... skrn tamakayt g iħwacn, ur gis amya g

¹ Ronde.

² Tizi n usunfu.

mkann... ha tn inn rcqn s yat tyarast d
ttawin tumrt i wul... mdrzn ur ffyn
ayaras...

(Yat tyuyyit rad d tkk tiggmi n umkraz.)

Ẓrat... matta mayad? Gar iskkirn isrfufunn
afgan, gn tumrt i ibalisn... tugtt n ubyur d
tawant ad ay d yiwin tagat ad.

ASNAY II

*(Rad d ffayn imsdah iswan sg tggmi, ar tn
ttawin wazdayn, rad ak^win s dar usays n
uḡawan d uḡwac, rad rwin timakayin n saysa,
rad irin ad amzn tirbatin.)*

TIRBATIN: Matta mkad nnk a dda
Karp?...

IRBAN: Ak^wiyat ay s tsukt... ur nufi ad yid
ntthuc g ufra!...

(Rad akk^w ak^win fln adyar izwa, aynna ur igin willi isdln d uwssar d wid d is ggawrnin g imkrazn.)

AMKRAZ: *(Rad yak^wi s tsga lliy illa daddas, idi d sis askarn.)*

Ar akk^w ttidunt mklli gisnt riy... had amur nnk... mcuckan d ad iyi d ik bdun rad akk^w asiy aylli illan... ur ak fln amya...hatn id rad ak t inin s imawn nnsn.

(Imyarn, I, wis II, wis III, wis IV sawln s yat tklit.)

AMΓAR I: Llig dari taytti¹, yiy ad iniy tidt mknna tra tgt.

AMΓAR II: Nkki dari tukkimt idusn, y^wzany bdda.

¹ leaql.

AMΓAR III: Amddakk^wl ad, amddakk^wl ad
ifulkin, amddakk^wl ad iziln!

AMΓAR IV: Tigmmi ar tttmlilliy... afarnu ar
itttmlilliy... akal ar itttmlilliy... nkrat ay ad
nttmlilliy... ad nrcq!

*(Imyarn, rad yamz ku yan gisn g iyir n wayyad,
gn sin sin, ssntun ar zzigizn ar tn tettawi tama,
rad yak^wi umkraz s taddart nns, rad t tut tfikit,
ur rad tt ilkim, rad yak^wi s wakat rad ittnngmug
s kra ur ittwayssan mad iga, rad yayul umgmug
nns zun d win walfiwn, rad inkr uwssar d mad
akk^w illan yinn fln adyar.)*

ASANAY III

(Rad d ikcm unmyur n ibalisn nttan d unfir.)

ANFIR: Is tzrit? Sawln d idammn n ilfawn f
ig^wyya nnsn. Ayuln d sg uccann gn ilfawn.
(Isskn amkraz.) Hat id yilad rad ign zun d
awtm n ilfawn ig illa g wammas n warras ar
iskurkuz.

ANMFUR N IBALISN: Awa tskrt sul tawwuri nnk mklli s ila wawal taguri! Gan taklit izwarn zun d ibuyay, ayuln gn uccann, tigira gn zun d ilfawn... mkad izil imsswi ad...! Is d ur ad iyi tinit manmk as tskrt imsswi ad? Irwas is d is trkst idammn n ibuyay d win uccann d win walfiwn.

ANFIR: Uhuy... ur skry amya n maynna, is as ssugty g tirac n irdn... llig tt nn kkant tirac gumnt i imawn, ur igi tassast f ubbic n uyrum... llig nn ntlnt tirac n irdn tafukt s tugtt, ar ttidun idammn n ibuyay d uccan d ilfawn... g izuran nns. Llan yadlli gis idammn n imudar g ugsu nns, macc ur ufin manmk s ad gis aqqalayn.

ANMFUR N IBALISN: Tmsadt! Tskrt tawwuri nnk s tidt, trart d ubbic n uyrum lli tcttat... yilad ma f ttkur ad bdda ssan anziz... s mkann rad bdda gin ismgan nny.

-Ibillu n tgara-

Cet ouvrage a été publié
avec le concours du



Ministère de la Culture